

# PLAN ANUAL 2015 DA COOPERACIÓN GALEGA PARA O DESENVOLVEMENTO



**Dirección Xeral de Relacións  
Exteriores e coa UE**

Vicepresidencia e Consellería de Presidencia,  
Administracións Públicas e Xustiza. Xunta de  
Galicia

## ÍNDICE

1. INTRODUCCIÓN
2. CUMPRIMENTO DOS COMPROMISOS ADQUIRIDOS EN ANOS ANTERIORES
3. NOVAS ACTUACIÓNS PARA O ANO 2015
4. ORZAMENTOS 2015

## 1.INTRODUCCIÓN

Este Plan Anual preséntase en cumprimento do mandato legal establecido no artigo 9.3 da Lei 3/2003, do 19 de xuño, de cooperación para o desenvolvemento, que sinala que os plans anuais serán aprobados polo Consello da Xunta de Galicia por proposta do departamento competente en materia de cooperación para o desenvolvemento, logo do informe do Consello Galego de Cooperación para o Desenvolvemento.

Co Plan Anual 2015 da Cooperación Galega iníciase o segundo ano de vixencia do III Plan Director da Cooperación Galega 2014-2017 (a partir de agora III PD). Neste Plan Anual recóllense os compromisos, os medios de actuación e os recursos orzamentarios que o goberno galego pon a disposición da cooperación para o desenvolvemento para o ano 2015, de acordo coas orientacións establecidas no dito III PD.

No Plan se contemplan, de maneira resumida, as actuacións incluídas no programa orzamentario *331A: Cooperación exterior* da Dirección Xeral de Relacións Exteriores e coa UE (en diante DXRREE e coa UE), sen prexuízo de que ao longo do ano outros departamentos da Xunta de Galicia poidan desenvolver actuacións en materia de cooperación cuxa valorización se realizará ao final do exercicio.

**A dotación para o ano 2015 do programa 331A é de 4.143.715 €.** Aínda que o orzamento non varía respecto do pasado ano, cómpre sinalar que o compromiso de gasto adquirido no ano 2015 redúcese a 474.139 €, o orzamento proposto para cooperación permitirá, ademais de cubrir os gastos de persoal da Subdirección Xeral de Cooperación Exterior, destinar a novas actuacións 3.261.267 €.

Polo tanto, a non diminución dos fondos permitirá desenvolver as actuacións recollidas no III PD cun orzamento co que se poderán realizar actuacións en todos os eidos a través dos diferentes instrumentos de financiamento.

Cabe sinalar finalmente que, en aras de manter unha coherencia co III PD, as diferentes actuacións que se ten previsto iniciar no ano 2015 relaciónanse cos resultados de xestión recollidos no III PD.

## 2. CUMPRIMENTO DOS COMPROMISOS ADQUIRIDOS EN ANOS ANTERIORES

Cos orzamentos de cooperación para 2015 asegurárase a cobertura financeira dos compromisos adquiridos con anterioridade, que no seu conxunto se elevan **474.139 €**, que permitirán **dar continuidade** as seguintes actuacións:

- 5 proxectos de *Investigación para o Desenvolvemento das universidades galegas*, aprobados na convocatoria de 2014, por un total de **72.366,04 €** para 2015.
- **18 proxectos** aprobados na convocatorias de axudas para actividades de *Educación para o Desenvolvemento e de Consolidación e Fortalecemento de ONGD* do ano 2014, por un total de **279.774 €** para 2015.
- O **convenio de colaboración asinado co CETMAR** no 2014 para o proxecto “Mellora da transformación e comercialización de produtos pesqueiros realizadas por mulleres de comunidades dedicadas á pesca e acuicultura en Nicaragua”, por un total de **34.332 €** para 2015.
- O **convenio de colaboración asinado con Solidariedade Internacional de Galicia, AGARESO e Mundo Cooperante Galicia no 2014**, para a execución do proxecto de Educación para o Desenvolvemento “Cooperación Galega. O mundo que queremos”, encadrado no Plan Proxecta da Consellería de Educación, cunha dotación de **30.000 €** para o ano 2015.

- **8 bolsas de formación** de expertos en cooperación para o desenvolvemento que se convocaron no 2014, cunha cobertura orzamentaria de **57.667 €** ata a finalización do período de formación no mes de xuño.

### 3. NOVAS ACTUACIÓNS PARA O ANO 2015

Unha vez descontados os recursos para dar continuidade aos compromisos asumidos con anterioridade ao ano 2015, e tendo en conta que os gastos de persoal da Subdirección Xeral de Cooperación Exterior ascenden a 408.309 €, a **capacidade orzamentaria** para acometer novas actuacións no ano 2015 elévase a **3.261.267 €**.

A DXRREE e coa UE priorizará novamente no ano 2015 as convocatorias públicas de axudas, de acordo co establecido no III PD, ás que destinará máis dun 70% do orzamento operativo de gastos.

As **actuacións previstas para o ano 2015**, de acordo cos resultados de xestión previstos no III PD, son as seguintes:

- **Convocatorias de subvencións para proxectos e microproxectos de cooperación no exterior de ONGD e outros axentes de cooperación**

O obxecto destas axudas é a execución de proxectos no exterior das ONGD e das universidades, empresas e organizacións empresariais, sindicatos e comunidades galegas no exterior e outros axentes sociais que teñan a condición de axentes de cooperación.

Como novidade para este ano, e de acordo coas previsións do III PD, os outros axentes sociais ou as entidades que teñan entre os seus fins a realización de actividades de cooperación para o desenvolvemento poderán presentarse á convocatoria de microproxectos, ademais das ONGD.

A **dotación total** da convocatoria, que se publicará como anticipado de gasto a finais de 2014, será de **3.650.000 €** (1.865.000 € para 2015 e 1.785.000 € para 2016), de acordo coa seguinte distribución:

- Proxectos de cooperación no exterior de ONGD: 1.000.000 € con cargo ao capítulo IV e 435.000 con cargo ao capítulo VII para 2015 e 1.000.000 € con cargo ao capítulo IV e 435.000 € con cargo ao capítulo VII para 2016.
- Proxectos de cooperación no exterior doutros axentes (OOAA): 350.000 € con cargo ao capítulo IV para 2015 e 350.000 € con cargo ao capítulo IV e para 2016.
- Microproxectos de cooperación no exterior de ONGD e outros axentes sociais da sección D do Rexistro galego de Axentes de Cooperación: 40.000 € con cargo ao capítulo IV e 40.000 con cargo ao capítulo VII para 2015.

Esta actuación encádrase no resultado de xestión (RX) 2 do III PD, que establece que *a Cooperación Galega concentra a súa axuda no exterior con criterios de eficacia*, no RX 3 que establece que *a Cooperación Galega especializa a súa axuda nos sectores nos que conta con valor engadido ou vantaxes comparativas* e no RX 4 que establece que *os actores e axentes da Cooperación Galega coordinan e complementan as súas actuacións para contribuír aos resultados de desenvolvemento da cooperación española*.

### • **Convocatoria de subvencións para proxectos de Educación para o Desenvolvemento (EpD) promovidos polas ONGD**

O obxecto destas axudas é a execución de proxectos dentro das catro dimensións que forman parte da educación para o desenvolvemento:

- Sensibilización, concienciación da opinión pública en materia de cooperación para o desenvolvemento e causas da pobreza.

- Formación sobre o desenvolvemento, difusión nos ámbitos educativos do coñecemento da realidade dos países empobrecidos e da cooperación para o desenvolvemento.
- Mobilización social para crear redes de solidariedade na nosa sociedade.
- Investigación sobre as causas do subdesenvolvemento co fin de fortalecer e abrir novas vías de cooperación.

A **dotación total** da convocatoria do ano 2015 será de **325.000 €** (130.000 € para 2015 e 195.000 € para 2016).

Esta actuación encádrase no resultado de xestión (RX) 7 do III PD que establece que *a Cooperación Galega mellora a planificación e xestión das actuacións en educación para o desenvolvemento.*

#### • **Convocatoria de subvencións para proxectos de fortalecemento e consolidación de ONGD**

O obxecto destas axudas é a execución de proxectos para a consolidación e fortalecemento de organizacións non gobernamentais de cooperación para o desenvolvemento, para mellorar a capacidade de xestión das áreas internas da organización e a xestión da base social da organización en Galicia.

A **dotación total** da convocatoria do ano 2015 será de **125.000 €** (50.000 € para 2015 e 75.000 € para 2016).

Esta actuación encádrase no resultado de xestión (RX) 5 do III PD que establece que *os actores e axentes da Cooperación Galega fortalecen a súa capacidade institucional para un maior alcance das súas actuacións.*

#### • **Bolsas de formación de persoas expertas en cooperación internacional para o desenvolvemento**

Dende hai anos a Xunta de Galicia fai unha aposta clara para a profesionalización do sector da cooperación galega que redunde nunha mellora da calidade da mesma, a través do financiamento das bolsas de formación de persoas expertas en cooperación para o desenvolvemento que permiten aos beneficiarios/as completar a súa formación con estadias, tanto no terreo como na sede da DXREUE competente na materia.

Este investimento dirixido á mellora das capacidades destas persoas, ten un retorno a medio e longo prazo para todo o sistema de cooperación e reforza as relacións entre a Xunta de Galicia e outras institucións a través das que se articulan estas bolsas, o que leva a facer máis eficaz a cooperación.

Para o ano 2015 convocaranse 8 bolsas, de carácter plurianual, para garantir que os beneficiarios gocen dun ano completo de formación, dúas das cales se desenvolverán na sede da DXRREE e coa UE en Santiago de Compostela e as seis restantes no exterior, nas oficinas técnicas de cooperación da AECID ou nas delegacións das axencias de Nacións Unidas coas que se ven colaborando nos anos anteriores (FAO e ONU MULLERES).

O **orzamento previsto** para as bolsas é de **129.900 €** (55.900 € para 2015 e 74.000 € para 2016).

A este orzamento hai que engadir **4.433 €** (1.933 € para 2015 e 2.500 € para 2016) para a cobertura da **Seguridade Social** das/os bolseira/os.

Esta actuación encádrase no resultado de xestión (RX) 5 do III PD que establece que os *actores e axentes da Cooperación Galega fortalecen a súa capacidade institucional para un maior alcance das súas actuacións.*



## • Actuacións de Acción Humanitaria

As actuacións para dar cumprimento aos obxectivos estratéxicos establecidos no III PD durante o ano 2015 serán as seguintes:

- Publicarase unha **convocatoria anual, aberta e permanente**, cunha dotación de **300.000 €**, que fixe criterios claros de concesión de axudas, co que se aumenta a capacidade da Subdirección Xeral de Cooperación Exterior para liderar unha acción humanitaria galega de calidade.
- Asinarase un **convenio de colaboración coa Axencia Española de Cooperación Internacional para o Desenvolvemento (AECID)** para a coordinación das actuacións no ámbito humanitario ao abeiro do Acordo Marco asinado no 2013 coa Secretaría Xeral de Cooperación Internacional para o Desenvolvemento. Este convenio será plurianual (3 anos), cunha dotación de **150.000 €**, dos que **50.000 €** corresponden ao ano **2105**.
- Asinarase un novo **convenio de colaboración con Farmamundi**, que permitirá dar resposta rápida e eficaz ante emerxencias, mellorando así a axilidade e eficacia da resposta humanitaria galega. A dotación deste convenio será de **50.000 €**.
- Asinarase un novo **convenio de colaboración coa Asociación Solidariedade Galega co Pobo Saharauí (SOGAPS)**, co obxectivo de mellorar as condicións de vida da poboación refuxiada saharauí, que terá unha dotación para o ano 2015 de **100.000 €**.
- Como en anos anteriores e co fin de promover a presenza da Cooperación Galega na acción multilateral estableceranse **acordos de colaboración con ACNUR e UNRWA** (cos respectivos comités españois) por un total de **40.000 €**.

Esta actuación encádrase no resultado de xestión (RX) 3 do III PD que establece que *a Cooperación Galega especializa a súa axuda nos sectores nos que conta con valor engadido ou vantaxes comparativas.*

- **Convenio de colaboración coa Coordinadora Galega de ONGD**

Ademais do fortalecemento específico das ONGD como actores destacados da cooperación galega a través da correspondente convocatoria de subvencións, continuarase co apoio financeiro ás actuacións que nese ámbito se promovan dende a Coordinadora Galega de ONGD, polo seu papel como representante dunha gran maioría do sector que permite facilitar a coordinación entre os distintos actores e a articulación de iniciativas conxuntas.

Polo tanto, en cumprimento do obxectivo de fortalecemento do sector, asinarase un ano máis un **convenio de colaboración** coa **Coordinadora Galega de ONGD** como entidade que agrupa a 46 organizacións con presenza na nosa Comunidade Autónoma e que actúa como representación delas diante das institucións, na defensa do Código de Conduta e na formación, a sensibilización e a busca da implicación da sociedade galega na superación da pobreza na que viven millóns de persoas no mundo. Con este convenio estase a contribuír ao incremento da coordinación entre os actores da cooperación galega.

O obxectivo do convenio será, por unha banda, fortalecer o tecido das ONGD galegas e a propia Coordinadora, a través de diversas accións como prestar servizos de información e apoio técnico ás ONGD, asistencia a xuntanzas con institucións, organización de eventos, promoción de mesas de diálogo, etc, e por outra, mellorar a promoción de actuacións en materia de educación para o desenvolvemento.

A **dotación financeira** prevista para este convenio en 2015 será de **90.000 €.**

Esta actuación encádrase no resultado de xestión (RX) 5 do III PD que establece que os *actores e axentes da Cooperación Galega fortalecen a súa capacidade institucional para un maior alcance das súas actuacións* e no resultado de xestión (RX) 7 que establece que *a Cooperación Galega mellora a planificación e xestión das actuacións en educación para o desenvolvemento*.

- **Convenio de colaboración co Fondo Galego de Cooperación e Solidariedade**

No mesmo senso que no convenio coa Coordinadora Galega de ONGD, este ano asinarase novamente un **convenio co Fondo Galego de Cooperación e Solidariedade (Fogacosol)** como entidade plural que agrupa na actualidade a 87 concellos e ás deputacións provinciais da Coruña e Lugo, comprometida coa idea de cooperar en Galicia para ser máis eficaces na cooperación con terceiros países, impulsando un maior compromiso por parte das entidades locais coa cooperación para o desenvolvemento, nun marco máis estable e permanente.

O obxectivo do convenio será sensibilizar ás entidades pertencentes ao Fondo e dar a coñecer o traballo que desenvolve no ámbito da cooperación municipalista ás entidades sociais e á sociedade galega en xeral e reforzar a rede humana e organizativa do propio Fondo.

A **dotación financeira** para este convenio en 2015 é de **40.000 €**.

Esta actuación encádrase no resultado de xestión (RX) 5 do III PD que establece que os *actores e axentes da Cooperación Galega fortalecen a súa capacidade institucional para un maior alcance das súas actuacións* e no resultado de xestión (RX) 7 que establece que *a Cooperación Galega mellora a planificación e xestión das actuacións en educación para o desenvolvemento*.

- **Colaboración coas universidades galegas**

No ano 2015 seguirase afondando na colaboración coas universidades galegas nos eidos da investigación, formación e sensibilización en materia de cooperación para o desenvolvemento.

Logo da sinatura no ano 2014 dun convenio de colaboración coas tres universidades galegas para a posta en marcha do proxecto “Conformación dunha Rede Galega de Cooperación Universitaria para o Desenvolvemento” e tendo en conta que dita rede é un instrumento de dinamización e apoio da cooperación universitaria para o desenvolvemento (CUD) e da educación para o desenvolvemento no Sistema Universitario Galego (SUG), para o ano 2015 considerase a importancia de consolidar a rede e de convertela nun factor chave para situar ao SUG como actor relevante de Cooperación, mellorando a súa posición fronte a axenda de desenvolvemento post 2015.

De tal xeito, a solicitude das universidades galegas, no ano 2015 asinarase un novo **convenio de colaboración** coas *tres universidades do SUG* para consolidación do proxecto “Rede Galega de Cooperación Universitaria para o Desenvolvemento” ao que se destinarán **102.633 €**.

Dado que no ano 2014 publicouse por primeira vez a convocatoria de proxectos de investigación para o desenvolvemento destinada ás universidades, a través da cal se están a financiar 5 proxectos que se iniciaron no último trimestre do 2014 e que rematarán a finais de 2015, considerouse conveniente, de acordo co solicitado polas universidades galegas, non publicar unha nova convocatoria ata comprobar o bo desenvolvemento dos proxectos en curso e dedicar integramente a axuda orzamentaria da Xunta destinada ás universidades galegas á consolidación da Rede.

Esta actuación encádrase no resultado de xestión (RX) 5 do III PD que establece que *os actores e axentes da Cooperación Galega fortalecen*

*a súa capacidade institucional para un maior alcance das súas actuacións e no resultado de xestión (RX) 6 que establece que a cidadanía galega accede a unha información de calidade sobre os logros colectivos da Cooperación Galega na loita contra a pobreza.*

• **Convenios de colaboración coa *Fundación Centro Tecnolóxico do Mar (CETMAR)*.**

Tanto pola experiencia acumulada ao longo destes anos como polas súas vantaxes comparativas, o sector pesqueiro é o sector estratéxico por excelencia para a Cooperación Galega. A especialización de Galicia en ámbitos como a pesca e acuicultura facilita a transferencia de coñecementos e tecnoloxía, e o fortalecemento das institucións pesqueiras dos nosos socios nos países do Sur, garantindo un mellor aproveitamento e xestión integral sustentable dos seus recursos pesqueiros e acuícolas.

A Consellería do Medio Rural e do Mar mantén unha sólida aposta por unha política de cooperación internacional nos seus ámbitos competenciais e colabora activamente, a través do *CETMAR*, coa *DXRREE* e coa *UE* no desenvolvemento de proxectos conxuntos. No ano 2015 asinaranse novos convenios de colaboración para reforzar a cooperación técnica en materia de pesca e acuicultura en países onde tradicionalmente se ven traballando como Mozambique e Perú ou na rexión xeográfica Centroamericana.

Estas actuacións encádrase no resultado de xestión (RX) 2 do III PD que establece que *a Cooperación Galega concentra a súa axuda no exterior con criterios de eficacia* e no RX 3 que establece que *a Cooperación Galega especializa a súa axuda nos sectores nos que conta con valor engadido ou vantaxes comparativas*.

## • Colaboración coa Consellería de Cultura, Educación e Ordenación Universitaria. Plan Proxecta

O **Plan Proxecta** é unha iniciativa de innovación educativa da Consellería de Cultura, Educación e Ordenación Universitaria a través da Dirección Xeral de Educación, Formación Profesional e Innovación Educativa que busca a integración na planificación anual dos centros de programas postos en marcha por entidades alleas ao sistema educativo.

Ao abeiro do Plan Proxecta e instrumentado a través dun *convenio de colaboración* asinado no ano 2014 entre a DXRREE e coa UE e tres ONGD galegas: *Solidariedade Internacional de Galicia, AGARESO e a Asociación Mundo Cooperante Galicia*, estase a levar a cabo o programa “*Cooperación Galega. O mundo que queremos*”, en 5 institutos galegos.

Para o ano 2015 está previsto asinar **un novo convenio** para afondar neste proxecto encadrado neste programa da Consellería de Cultura, Educación e Ordenación Universitaria, co que se vai chegar a 9 centros de ensino, cunha dotación prevista de **43.726 €** (13.726 € para 2014 e 30.000 € para 2015)

Esta actuación encádrase no resultado de xestión (RX) 4 do III PD que establece que *os actores e axentes da Cooperación Galega coordinan e complementan as súas actuacións para contribuír aos resultados de desenvolvemento da cooperación española* e no resultado de xestión (RX) 7 que establece que *a Cooperación Galega mellora a planificación e xestión das actuacións en educación para o desenvolvemento*.

- **Procura activa de fontes de financiamento externo e alianzas publico privadas de desenvolvemento**

Afondarase nas actuacións iniciadas no ano 2010 para aproveitar as posibilidades de financiamento ofertadas pola Unión Europea e outros organismos internacionais en proxectos conxuntos no ámbito da cooperación ao desenvolvemento. Por tanto, buscarase orientar a nosa cooperación na busca de maiores complementariedades, explorando esas novas vías de financiamento internacional para proxectos que poderían levar a cabo os distintos departamentos do goberno autonómico, en asociación cos distintos axentes de cooperación.

De tal xeito prestarase apoio, no seu caso, ao CETMAR, Augas de Galicia ou outros organismos na concorrencia as convocatorias de EuropeAid ou de outros financiadores a nivel internacional.

Esta actuación encádrase no resultado de xestión (RX) 4 do III PD que establece que *os actores e axentes da Cooperación Galega coordinan e complementan as súas actuacións para contribuír aos resultados de desenvolvemento da cooperación española.*

- **Plan anual de avaliacións de proxectos no exterior**

Un dos obxectivos do III PD é incrementar o grao de transparencia e de rendición de contas da Cooperación Galega, ao que se pretende contribuír mellorando a actividade avaliadora.

As avaliacións son necesarias por un dobre motivo:

- En primeiro lugar, son un elemento imprescindible para que a política de axuda teña progresivamente unha maior calidade e capacidade de impacto.

- En segundo lugar, porque a política de cooperación lévase a cabo con fondos públicos e é esixible, polo tanto, un exercicio de rendición de contas.

Incidindo nesta necesidade avaliadora, no ano 2015 vaise realizar a **avaliación final das intervencións financiadas en Cabo Verde** dende o ano 2007, onde traballan moitos axentes galegos de cooperación, principalmente o FOGACOSOL.

Esta actuación encádrase no resultado de xestión (RX) 6 do III PD que establece que *a cidadanía galega accede a unha información de calidade sobre os logros colectivos da Cooperación Galega na loita contra a pobreza.*

- **Contratación de persoal especializado para accións de xestión, avaliación ou seguimento de proxectos**

En aras a conseguir unha mellor calidade da planificación e da xestión das intervencións, de incrementar o grao de transparencia da cooperación galega así como de contribuír ao fortalecemento do sistema galego de cooperación, durante o ano 2015 recorrerase á contratación de empresas ou persoal técnico experto en determinados ámbitos para realización de servizos tales como a avaliación *ex ante* dos proxectos presentados ás convocatorias públicas ou a avaliación *ex post* dos proxectos financiados en Cabo Verde.

Esta actuación encádrase no resultado de xestión (RX) 5 do III PD que establece que *os actores e axentes da Cooperación Galega fortalecen a súa capacidade institucional para un maior alcance das súas actuacións.*

- **Actividades divulgativas**

Tomando coma referencia o obxectivo de realizar unha política activa e integral de educación para o desenvolvemento da sociedade galega,



a DXRREE e coa UE publicará o *Informe 2014 da Cooperación Galega*, que será distribuído entre as diversas institucións a nivel galego e nacional, así como entre os diferentes axentes galegos de cooperación, e será publicado na web da Cooperación Galega co fin de dar a coñecer á sociedade galega a política de cooperación que dende Galicia se leva a cabo.

Por outra banda, e como en anos anteriores, a Cooperación Galega sumarase á conmemoración de datas significativas para a cooperación internacional para o desenvolvemento, a través da publicación de declaracións institucionais, apoio de iniciativas doutros axentes, etc.

Esta actuación encádrase no resultado de xestión (RX) 6 do III PD que establece que a *ciudadanía galega accede a unha información de calidade sobre os logros colectivos da Cooperación Galega na loita contra a pobreza*.

- **Actividades formativas**

De acordo co establecido no III PD, co obxectivo de simplificar o marco normativo de referencia da Cooperación Galega, retomárase no ano 2015 o traballo para o desenvolvemento dunha normativa de subvencións adaptada ás peculiaridades das actividades da cooperación ao desenvolvemento en liña co *Real Decreto 794/2010, de 16 de xuño, polo que se regulan as subvencións e axudas no ámbito da cooperación internacional*.

Con tal fin e coa colaboración da Coordinadora Galega de ONGD, desenvolverase un **obradoiro de traballo**, dirixido tanto ao persoal das administracións públicas como aos axentes de cooperación, para **estudar a distintas posibilidades de desenvolvemento en Galicia dunha normativa propia en materia de subvencións** no eido da cooperación internacional que faciliten tanto aos xestores como aos beneficiarios das axudas a tramitación dos expedientes de subvencións

e a xustificación das axudas, tomando como referencia a experiencia da Administración Xeral do Estado e doutras CCAA.

Esta actuación encádrase no resultado de xestión (RX) 1 do III PD que establece que *a Cooperación Galega aliña o seu marco normativo, estratéxico e operativo coa axenda global de desenvolvemento* e (RX) 5 que establece que *os actores e axentes da Cooperación Galega fortalecen a súa capacidade institucional para un maior alcance das súas actuacións*.

- **Estudos e informes**

De acordo co establecido no III PD, proporase no ano 2015 a realización dun **estudo sobre “As achegas das empresas galegas ao desenvolvemento nos países do Sur”**, para coñecer polo miúdo as actuacións das empresas galegas no eido do desenvolvemento e estudar posibles novas vías de colaboración.

Esta actuación encádrase no resultado de xestión (RX) 5 do III PD que establece que *os actores e axentes da Cooperación Galega fortalecen a súa capacidade institucional para un maior alcance das súas actuacións*.

- **Marco normativo da Cooperación Galega**

En xuño de 2013 cumpriuse o décimo aniversario da entrada en vigor da Lei 3/2003, do 19 de xuño, de cooperación para o desenvolvemento. Das avaliacións intermedia e final do II Plan Director da Cooperación Galega 2010-2014 desprendíase unha recomendación relativa á necesidade de que a Xunta de Galicia, a través da DXRREE e coa UE, debería impulsar un amplo proceso participativo de reflexión dos actores galegos de cooperación e dos partidos políticos con representación parlamentaria para valorar a oportunidade de proceder a elaborar unha nova lei galega de cooperación. Dita recomendación foi recollida no III PD.

Como dito proceso non se vai abordar ata a segunda metade do período de execución do III PD (se así se estimara conveniente), preténdese aproveitar a elaboración e tramitación doutras normas autonómicas para introducir cambios nos órganos de coordinación e nos procedementos de xestión da cooperación que redunden nunha mellora dos mesmos.

Un dos principais aspectos que debe ser obxecto de reflexión é a revisión do deseño dos espazos de participación (Congacode, Cincode e Cintercode), co fin de mellorar a súa funcionalidade, operatividade e equilibrio na súa composición, de xeito que se aumenten as oportunidades para unha maior concertación, coordinación e complementariedade entre os actores galegos de desenvolvemento tal e como se vén demandando publicamente nos últimos anos desde diversos axentes de cooperación.

De tal xeito, no ano 2015, aproveitando a tramitación parlamentaria do *Proxecto de lei de garantía da calidade dos servizos públicos e da boa administración*, proporase a inclusión como emenda ao articulado da lei, unha modificación da *Lei 3/2003 de Cooperación para o Desenvolvemento* no senso de unificar nun só órgano a totalidade das funcións de consulta, participación e avaliación en materia de cooperación para o desenvolvemento de acordo cos criterios de racionalización, eficacia e eliminación de duplicidades e co fin de acadar a concentración da participación de todos os sectores involucrados na planificación, avaliación e xestión da política galega de cooperación ao desenvolvemento. Neste órgano estarán representados tódolos axentes galegos de cooperación.

Igualmente, no *Decreto que regulará a Acción Exterior da Comunidade Autónoma de Galicia* (en desenvolvemento da Lei de Acción Exterior aprobada a principios de 2014), que está en fase de redacción, tense previsto incluír un título relativo á cooperación para o desenvolvemento no que se podería regular o órgano de consulta e

participación mencionado anteriormente, así como tentar adecuar a lexislación en materia de subvencións á natureza e peculiaridades das subvencións en materia de cooperación para o desenvolvemento e acción humanitaria.

Por outra banda, no ano 2014 iniciouse tamén a tramitación parlamentaria do *Proxecto de Lei do Emprego Público de Galicia* que inclúe no seu articulado unha nova licenza para a participación dos empregados e empregadas públicas en proxectos ou programas de cooperación para o desenvolvemento e de acción humanitaria.

Unha vez aprobada a lei polo Parlamento de Galicia, estudarase coa Dirección Xeral da Función Pública a regulación pormenorizada da licenza a través dun regulamento de desenvolvemento.

Estas actuacións encádranse no resultado de xestión (RX)1 do III PD que establece que *a Cooperación Galega aliña o seu marco normativo, estratéxico e operativo coa axenda global de desenvolvemento.*

#### 4. ORZAMENTOS 2015

O Goberno galego renova o seu compromiso de solidariedade coas persoas e os países máis desfavorecidos mantendo, para o ano 2015, o mesmo orzamento que no ano 2014, o que vai permitir continuar coa execución do III PD cunha dotación suficiente para levar a cabo actuacións en todos os eidos do desenvolvemento.

No seguinte cadro aparecen reflectidas as partidas orzamentarias previstas para actuacións de cooperación para o desenvolvemento para o ano 2015 por capítulos de gasto:

## ORZAMENTO 2015

<b>PROGRAMA 331-A: COOPERACIÓN EXTERIOR</b>		
<b>CAPÍTULO</b>	<b>CONCEPTO</b>	<b>CONTÍA (€)</b>
<b>Capítulo I</b>	<b>Gastos de persoal</b>	<b>408.309</b>
<b>Capítulo IV</b>	<b>Transferencia correntes</b>	<b>3.013.568</b>
	Transferencias institucións sen fins de lucro	503.500
	Transferencias a Universidades	175.000
	Actuacións de cooperación no exterior	2.014.568
	Convenio CGONGD	90.000
	Convenio Fogacosol	40.000
	Bolsas formación en cooperación	111.900
	SS bolsas formación en cooperación	3.600
	Convenio Fondo Humanitario AECID	50.000
	Convenio SOGAPS	25.000
<b>Capítulo VI</b>	<b>Investimentos reais</b>	<b>60.000</b>
<b>Capítulo VII</b>	<b>Transferencias de capital</b>	<b>661.838</b>
	Actuacións de cooperación no exterior	586.838
	Convenio SOGAPS	75.000
<b>TOTAL Programa 331-A</b>		<b>4.143.715</b>

Nota: Os gastos correntes e de funcionamento asociados á competencia de cooperación para o desenvolvemento (que serán financiados con cargo ao programa 111-E da DXRRREE e coa UE) serán cuantificados ao final do exercicio.